



## Universitätsbibliothek Paderborn

**R. P. Maximiliani Sandaei E Societate Iesv Doctoris  
Theologi Architectvra Christiana**

**Sandaeus, Maximilianus**

**Coloniæ Agrippinæ, 1653**

3. Impensæ humanæ & cooperatio Hominus cooperantis, seu Ædificatoris, post positionem Fundamenti facta[m] impe[n]sis supremi Principis.

[urn:nbn:de:hbz:466:1-46065](https://nbn-resolving.de/urn:nbn:de:hbz:466:1-46065)

torem naturalem aquæ. Sed multo magis excedit virtutem hominis naturalem, credere Mysteria fidei, assensu Christiano: cùm & res ipsa sint transnaturales, & absentiendi ratio, sive objectum formale, à quo specificantur actus, ut norunt Philosophi, naturæ terminis non continetur. Sed de his fusius est actum in Scholarum exercitationibus. In quibus illorum sententiam non probavi, qui licet assensum supernaturalem agnoscant, in eo tamen substantiam à modo distinguunt & illam intra naturæ cancellos constituunt. (a) Hoc itaque statuatur, ut omnino certum. Initium ædificationis Domus Sapientiæ à Principe supremo dari, ac Fundamentum gratis in animæ fundo ponи. Quia revera, Ex ipso, & per ipsum, & in ipso sunt omnia. ad Romanos xi. cap. 2. Massilianos. Juxta decretum Apostoli: Ex DEO sunt omnia. Ergo & ipsum initium fidei est ex DEO: neque enim hoc excepto, ex ipso sunt cetera, sed ex ipso, & per ipsum, & in ipso sunt omnia.

(a) Scot. in 3. dist. 23. q. una. Durand. ibid. q. 6. & in 2. dist. 28. q. 1. Gabr. 3. d. 23. q. 2. art. 2. quorum patrocinium suscipit Valentia 11. disp. 1. q. 6. p. 1.

## ARTICULUS III.

## IMPENSÆ HUMANÆ

Et cooperatio Hominis Ædificatoris, post positionem Fundamenti factam impensis supremi Principis.

POSITO Fidei Fundamento, vult supremus & Princeps & Architectus, ut hominis etiam impensis cæteræ Ædificii Spiritualis partes adsurgant: id est, ut ejus ope-

operibus, & meritis, tanquam sumptibus; non tamen  
ne Dei gratiâ auxilioque conquisitis. Siquidem gratia  
divinæ, & virtutum incrementa per merita bonorum  
operum habentur. Atque ita bonis operibus justificati  
dicitur homo: nempe, justificatione secunda, quæ ac-  
cessionem justitiae, & sanctificationis, vel significat, vel  
continet. Immò, ipsa prima Gratia sanctificans seu ju-  
stificans, non est sine aliquo Fidei meritò, ac proinde  
hoc etiam ipsa Fundamentum habet. Certè S. Augusti-  
nus constanter docet, Fidem, non solum impetrare, sed  
etiam mereri, (*de congruo*, dicunt Scholastici) justifica-  
tionem.

IN epistola ad Sixtum, quæ est cv. sic scribit: *Nec ipsa remissio peccatorum sine aliquo merito est, si Fides hanc impetrat.* Neque enim nullum est meritum fidei, quæ fide ille dicebat: D. us propitius esto mihi peccatori: & descendit justifica-  
tus, merito fidei humiliatus: quoniam, qui se humiliat, exalta-  
bitur. Et lib. de Spirit. & litt. (b) *Quod factorum lex minan-  
do imperat, hoc fidei lex credendo impetrat.* Iterum, lib. de  
prædest. SS. *Ex fide dicit Apostolus justificari hominem, non ex  
operibus ( videlicet, legis, vel naturæ viribus productis)*  
quia ipsa datur, ex qua impetrantur cetera, quæ proptie opera  
nuncupantur, in quibus justè vivimus. Adhæc, epistola cvi.  
ad Paulinum: *Si quis dixerit, quod gratiam bene operandi fi-  
des mereatur, negare non possumus: immò, gratissimè confitemur.*  
Item, lib. i. contra adversarium legis & Prophetarum:  
in novo Testamento Fides impetrat caritatem. Denique,  
libro de gratia & libero arbitrio: *Fides. & non petita conces-  
tur, ut ei petenti alia concedantur.*

UNDE, Fides videtur esse Fundamentum, ex quo ce-  
teræ partes domus progenerantur, aut pulluant. Quod  
inaudi-

(a) *Lucæ xviii. 14.* (b) lib. de Spir. & litt. cap. 13.  
(c) lib. de prædest. cap. 7.

In auditum invulgari Architecturâ, verissimum tamen in  
sacrâ. Quare Fides & Fundamentum dicitur, & Radix, è qua  
germina proveniunt. Siquidem virtutes omnes, bona-  
que opera ex fidei radice procedunt. Ut liquet exemplis  
ab Apostolis in Epistola ad Hebræos cap. xi. enumera-  
tis. Fide Abel plurimam hostiam obiulit. Fide Henoch translatus  
est, ne videret mortem: fide Noë aptavit Arcam in salutem Domus  
sua: fide Abraham obedivit, expectans fundamenta habentem ci-  
vitatem, cuius artifex, & conditor Deus. Fide Sacra sterilis virtu-  
tem in conceptionem seminis accepit. Fide obtulit Abraham Isaac.  
Fide & des futuris benedixit Isaac Jacob & Esau. Fide Jacob mori-  
ens singulos filiorum Ioseph benedixit. Fide Ioseph moriens de oſti-  
bus suis mandavit. Denique, ne omnes commemorem: Sancti per  
fidem ricerunt regna operati sunt justitiam, adepti sunt re promis-  
siones.

Ob hanc cauſsam, Apostolus scribens Ephesiis, præ-  
clara illa sententia; quæ est capite 2do, *Gratia estis salvati*  
per fidem: & hoc nō ex vobis: DEI enim donum est; nō ex operibus,  
ne quis glorietur. Ipsius enim sumus factura creati in Christo Iesu  
in operibus bonis, quæ preparavit Deus ut in illis ambulemus:  
docet quatuor, quæ ad fabricam tropologicam spectat. Primum,  
quod illius exordium à benevolentia supremi  
Architecti ducatur: *Gratia estis salvati*. Deinde, quod e-  
jus munere Fundamentum fidei collocetur: *Per Fidem*,  
ait. Præterea, quod Fundamentum illud nullo nostro me-  
rito sit jactum, sed liberaliter à Deo concessum. Et hoc  
non ex nobis, DEI enim donum est: & quidem primum ac sin-  
ceræ liberalitatis. De quo ita S. Augustinus clare in su-  
perioribus differit, ut nullum dubitandi locum relin-  
quat. Tandem, quod operibus bonis huic Fundamento  
superædificatur, Architecti auxiliis potissimum adscri-  
bi debere: *Ipsius enim factura sumus creati in Christo I e s u*,  
*in operibus bonis: quæ preparavit Deus ut in illis ambulemus*.

T<sub>5</sub>

Nimi-

Nimirum, præparat nobis Deus opera bona, quibus ædificium nostrum perficiamus, tum *Gratia* illa communis, quam *Sufficientem* nominant Scholastici; tum peculiari, quæ dicitur *efficax*, & *congrua*, qua præcipue ædificium spirituale exsurgit. Quocirca benè monet Augustinus, quamvis nos, tanquam ædificatores bona opera faciamus, quæ sanè non facimus, nisi velimus, nihilominus, Deum facere ut velimus. *Certum est*, inquit lib. de gratia & libero arbitrio cap. xvi. nos mandata servare, que volumus, sed ille facit, ut velimus bonum de quo dictum est. Præparatur voluntas à Domino: de quo dictum est: A Domino gressus hominis dirigentur, & viam ejus volet de quo dictum est: Deus est qui operatur in vobis & velle. Et post nulla: ipse ut velimus operatur incipiens, qui volentibus cooperatur perficiens: propter quod ait Apostolus, Certus sum, quoniam qui operatur in vobis opus bonum, perficiet, usque in diem Christi Iesu. Ut ergo velimus, sine nobis operatur, cum autem volumus, & sic volumus ut faciamus, nobiscum cooperamur. Tamen sine illo vel operante, ut velimus, vel cooperante, cum volumus, ad bonapietatis opera nihil valemus. De operante illo ut velimus, dictum est: Deus est enim, qui operatur in nobis & velle. De cooperante illo, cum jam voluimus, & volendo facimus: Scimus, inquit, quoniam diligentibus Deum omnia cooperantur in bonum.

In eodem libro quæsiuerat anxie: Quomodo Paulus dixerit: Non ex operibus, cum constet operibus, ædificium Spirituale ac divinum perfici? & respondit: Audi, & intellige. Non ex operibus dictum, tanquā tuis ex teipso tibi existēstentibus sed tanquā his, in quibus te Deus finxit, id est, formavit & creavit. Hoc enim ait: Ipsius sumus figuratum, creatum Christo Iesu in operib⁹ bonis: non illa creatione qua homines facti sumus; sed ea, de qua ille dicebat: Cor mundum crea in me

me Deus. Et de qua dicit Apostolus: (a) si qua ergo in Christo nova creatura, vetera transierunt: ecce facta sunt omnia nova: omnia autem ex Deo. Fingimur ergo, id est, formamur, & creamur in operibus bonis, quæ non præparavimus nos, sed præparavit Deus ut in illis ambulemus. Denique libro de prædestinatione SS<sup>rum</sup> idem S. Augustinus clarissime enunciat: *Quod ait Apostolus: Non ex operibus, ne forte quis extollatur: ipsius enim sumus figurum, creati in Christo Iesu in operibus bonis, Gratia est. Quod autem sequitur: Quæ præparavit Deus, ut in illis ambulemus.* Prædestination est. Ex hac tenus dictis conficitur, Fidem, tanquam Fundamentum, liberalitate Principis colloca-ri: deinde, subditorum quoque sumptibus, fabricam e-figi; & paullatim ad teclum perduci.

(a) 2. ad Corin. 5. 17. Isa. 41. Apoc. 21. (b) lib. de Præd. SS. c. 10.

## SERMO V.

### FIDES CHRISTIANA

*Quomodo, quæ Fundamentum, sit firmanda, ut sit  
plane immobilis.*

Fodit in altum, & posuit Fundamentum super Petram.

Lucæ VI. 48.

---

### ARTICULUS I.

#### TRES LAPIDUM ORDINES

*Ad firmandum Fides Fundamentum necessarii.*

UM Fundamentum Aedificij, maximè, si hoc sit palatium, arx, vel urbs, non constet uno aliquo lapide: sed multis lapidum sibi unitorum ordinibus, in Fundamento, quod

F. I.

